

# Ujian getir menanti skuad hoki

Oleh ZAZALI JAMIAN

sukan@utusan.com.my

**KEMPEN** skuad hoki wanita negara dalam Sukan Komanwel 2018 bakal berlangsung penuh kompetitif berikutan diundi bersama pasukan-pasukan hebat malah Konfederasi Hoki Malaysia (MHC) memilih untuk tidak memberikan tekanan apabila meletakkan sasaran realistik sewaktu temasya pada 4 hingga 15 April ini di Gold Coast, Australia.

Skuad hoki wanita negara yang dikenali sebagai *Malaysia Tigress* diundi dalam Kumpulan A bersama England, pasukan No. 2 dunia yang merangkul pingat emas pertama Sukan Olimpik di Rio tahun lalu di bawah bendera Great Britain.

Selain England, skuad bimbingan Muhammad Dharma Raj Abdullah yang ketika ini berada pada kedudukan ke-22 dunia juga bakal berdepan juara Asia yang juga pasukan No. 10



dunia, India, selain juara Afrika, Afrika Selatan (15) dan Scotland (23).

Kumpulan B pula akan diketuai oleh penyandang juara, Australia (*ranking* keempat) bersama New Zealand (5), Scotland (18), Kanada (21) dan Ghana (30).

Sedar dengan kemampuan *Malaysia Tigress* menyebabkan sasaran enam terbaik sahaja disandarkan kepada skuad hoki wanita negara dan jika dapat direalisasikan maka ia dapat mengatasi pencapaian empat tahun lalu dalam temasya sama.

Saingan yang lebih mencabar dalam temasya di Gold Coast harus dimanfaatkan dengan baik sebagai medan mempersiapkan pasukan bagi mencapai sasaran mara ke separuh akhir Sukan Asia di Jakarta dan Palembang pada Ogos selain kejohanan Trofi Juara-Juara Asia di Korea Selatan dari 13 hingga 20 Mei.

Jurulatih *Malaysia Tigress*, Muhammad Dharma berkata, Sukan Komanwel pentas terbaik buat pemainnya mendapatkan perlawanan berkualiti tinggi menentang pasukan kelompok 10 terbaik dunia.

**PEMAIN Malaysia Tigress (kanan)** ketika menentang Jepun dalam aksi persahabatan menjelang Sukan Komanwel di Gold Coast.



## INFO SENARAI AWAL 18 PEMAIN

- Farah Ayuni Yahya
- Mas Huzaimah Md. Aziz
- Siti Noor Amarina Ruhani
- Juliani Mohamad Din
- Raja Norsharina
- Raja Shabuddin
- Siti Rahmah Othman
- Nuraini Abd. Rashid
- Fazilla Sylvester Silin
- Surizan Awang Noh
- Norbaini Hashim
- Wan Norfaiezah Md. Saiuti
- Fatin Shafika Md. Shukri
- Hanis Nadia Onn
- Nuraslinda Said
- Nur Syafiqah Mohd. Zain
- Norazlin Sumantri
- Nurul Nabihah Mansur
- Nur Maizatulhanim Syafi
- Sheik Fuad